

竹垞小志卷三

學使者阮元手訂

慈谿鄭勳編錄

是卷係先生所定城南二十景也先生少日曾讀書於子葵太守別墅故大半皆鶴洲之景其在南北兩垞者如菊塍在荷池南畔橙子岡在甌舫西偏今尚可考其間有僅存其名未可據實者亦竝附載蓋悉仍先生之舊云

鴛鴦湖 在長水塘之北卽南湖也湖之南有放鶴

洲

方輿紀要南湖一名鴛鴦湖長水塘諸水所

竹垞小志

卷三

一 七錄書閣

匯也

嘉興府志長水塘水自海寧諸山貫硤石東北流五十里入嘉興縣境合於鴛鴦湖

先生鴛鴦湖權歌百尺紅樓四面牕石梁一道鎖晴江自從湖有鴛鴦日水鳥飛來定是雙

查慎行題小長蘆圖詩君住鴛鴦湖儂住鷓鴣

浦同爲蓑笠人貫聽菰蒲雨 一作願隨蓑笠翁

共聽菰蒲雨

王士正朱錫鬯自代州至京奉柬詩短後曾將代馬騎談兵絕塞偃牙旗錦囊舊事悲唐壘碧

玉春流寫晉祠燕市雪深衣褐敝吳江楓落酒
船遲鴛湖若買三間屋得便從君下釣絲自注
朱有晉祠記最工

朱昆田題客子吳船醉吟圖詩鸚鵡洲前漲綠
波鴛鴦湖畔月明多夜船吹罷玲瓏篴更欲尋
君學權歌

按暴書亭集有鴛鴦湖權歌一百首自序云
甲寅歲暮旅食潞河言歸未遂爰憶土風成
絕句百首語無詮次以其多言舟楫之事題
曰鴛鴦湖權歌聊比竹枝浪淘沙之調冀同
竹垞小志

卷三

二 七錄書閣

里諸君子見而和之云爾

娛老橋

先生鴛鴦湖權歌河頭時有浣衣人處處春流漾

白蘋橋下輕舟來往疾南經娛老北蹲賓自注娛

老橋在城南

放鶴洲 靜志居詩話城南放鶴洲相傳爲唐相裴

休別業名曰裴島或曰南渡初禮部郎中朱敦
儒營之以爲墅洲名其所題世父子葵拓地百
畝自湖之田有堂有亭有橋有船有岡有榭有
庖有滷雜樹花果瓜疇芋區菜圃靡所不具陳

少詹懿典爲作記董尚書其昌爲書扁李少卿
日華爲寫圖後先觴咏者題壁淋漓今則大樹
飄零高臺蕪沒止存臥柳斷橋而已

先生春晚過放鶴洲詩問訊裴公島春來幾度遊
古牆修竹上潭水落花浮烟雨無人境山泉放鶴
洲鷗夷今不見往事問漁舟

又放鶴洲探梅詩徑轉叢篁曲谿迴石磴斜爲園
傳故相勝事復吾家晚日吹山雨陰雲覆浦沙春
風三百樹猶有未開花

又徐檢討鈇紙扇讀修上人詩愛其清逸上人時
竹垞小志

卷三

三

七錄書閣

訪余放鶴洲余畱吳不值却寄以詩少年上人足
佳句清似玉壺一段冰絕倒垂虹舊亭長來尋放
鶴老詩朋迂辛短李許誰和癩可瘦權知不能何
日扁舟攜白麓聯吟竹屋夜牕燈

又題唐岳藤花詩披圖轉憶少年遊亂水東西放
鶴洲萬樹濃陰花縷結惺忪香雨滿船頭

又題江村垂釣圖詩放鶴洲邊別業孤穿池處處
足魚租君來肯入南垞佳分我漁童別作圖

是詩從高詹事清吟堂附錄抄得讀此見先
生於放鶴洲南垞直合爲一也

又釋圓信早秋過朱子葵太守鶴洲草堂對雨
分韻得飛字詩方花礎潤晚涼歸隔浦蓮舟望
漸稀林下自聞秋葉雨燈前亦有草蟲飛巡檐
半濕黃藤杖倚檻重涼白苧衣明發霄溪新水
下前村應沒舊苔磯
先生早秋放鶴洲池上作調寄霜天曉角詞青桐
垂乳容易擬珠露一縷金風飄落添幾點豆花雨
簾戶翦燈語草蟲飛不去坐愛水亭香氣是藕
葉最多處

柳圩 在鶴洲

竹垞小志

卷三

四 七錄書閣

彭孫貽放鶴洲詩籬落遮樵逕林扉纏古藤入
門惟見竹埽葉忽逢僧茶氣生殘竈波光動采
菱漁家堤柳外落日挂魚脣

先生折桂令詞近南湖結个書樓橋影前溪塔火
中流梅蕊衝寒荷香銷夏楓葉鳴秋松樹底一壺
春酒柳陰中幾隻漁舟歸去來休典我春衣日日
郊遊

此先生葉兒樂府也竝未署題今按所咏之
景俱在城南其二云橋影前溪卽娛老橋也塔
影中流卽塔火灣也柳陰中幾隻漁舟柳陰

卽柳圩漁舟卽鶴渡也起句云近南湖結个
書樓未知卽擁書樓否書以俟考

鶴渡 鶴洲舟名

朱茂時鶴洲夜歸詩秋月清於水孤舟放鶴歸
不知荷葉露風卷上人衣

趙宦光題鶴洲圖詩別墅背山谷門臨綠水開
夜深村犬吠小艇賣樵回

張若義丙午夏日題鶴洲草堂詩坐此堪累日
何處更深山隔澗人相問輕舟鶴與還風翻花
自穩魚戲水常閒安得忘機坐相攜共閉關

竹垞小志

卷三

五 七錄書閣

蘭風徑 在鶴洲草堂

朱稻孫過龔先生田居賦呈詩百里雲亭路經
年引夢思春風蘭草徑秋雨豆花籬游子傷飄
泊先生念別離相逢誠不易敢述苦辛詞

塔火灣 灣近真如寺照見寺中塔火故名

先生鴛鴦湖權歌蟹舍魚村兩岸平菱花十里權
歌聲儂家放鶴洲前水夜半真如塔火明

自注宋

希真避地嘉禾放鶴洲其闕亭遺址也余伯貴陽
守治別業於上真如塔峙其西

朱克生同計甫草泛東溪訪朱子蓉不遇詩迴

廊高閣幾追攀鼓枻仍尋舊路還翠竹兩崖人
不見塔鈴聲在水雲灣

小長蘆 卽古橋李也按年譜先生晚年自號小長

蘆釣魚師康熙己巳屬江都禹之鼎寫小長蘆
釣魚師圖如皋許實夫爲鑄小長蘆釣魚師小
印

先生鴛鴦湖權歌稗花楓葉宋坡湖路轉潮鳴山
翠無百里鹽田相望白至今人說小長蘆 自注橋
李舊號小長蘆見周必大吳郡諸山錄

又題倪高士畫詩房山潑墨太模糊那似倪迂意
竹垞小志 卷三 六 七錄書閣

匠殊一片湖光幾株樹分明秋色小長蘆

王士正題小長蘆圖詩史筆高三館歸心戀五
湖分明鰕菜好寫出小長蘆

高不騫題詩槐樹斜街宅經營此畫圖由來名
父子只戀小長蘆

喬崇烈題詩誰畫小長蘆蘆花墊長水先生愛
蓑笠坐曬斜陽裏

沈不負題詩芹芽荻筍菜花魚鄉味堆盤興不
虛數說山中人樂事小長蘆外亦無餘

朱昆田碧川見贈走筆奉荅詩小長蘆畔是吾

家怕見黃沙見白沙但使荒田租一稜不須古
路問三叉數竿趁雨移新竹幾樹連墩種好花
欲買湖莊號漁計知君心已厭紛華

先生水木明瑟園賦云諸君卜築近在郊郭
吾獨寥寥棲小長蘆瓦缶集序云同里李上
舍秦川出其吟橐問序於小長蘆釣魚師荅
陸修撰問云長洲陸子問禮於小長蘆叟南
屏題名云小長蘆叟樣舟雷峯之下先生晚
年愛稱小長蘆叟金風亭長屢見之於書畫
跋尾云

竹垞小志

卷三

七

七錄書閣

紅魚港 在鶴洲之西地產金鯽魚取皮襲美丹砂
泉淺種紅魚之句以名之

查慎行題小長蘆詩種魚三畝五畝陂水前溪
後溪認得鄰莊老樹草堂在鶴巢西

豆花籬

梅庚豆花籬銷夏圖戊寅夏日應竹垞夫子命
畫并題詩別開高閣面清湍銷夏披風綠柳灣
對坐豆棚歌白雪不知天壤有塵寰

朱稻孫納涼詩亂竹清陰上番成坐看雲散兔
華生無端促織鳴籬落兒女呼燈過豆棚

朱振祖納涼分咏風燈詩水檻招涼坐呼童換
短檠楸坪敲處穩竹屋映來清蛩語催何急蛾
飛撲更輕夜深風露濕攜過豆花棚自注豆花
棚底納涼時先大父笛漁小橐中句

野史亭 先生曾預修明史而鶴洲有此亭因存其
舊名其實未嘗建亭也

菱葉泮 一名菱泮與塔火灣相近笛漁小橐喜南
渟再過草堂詩有把槳細撻菱葉路持杯同醉
海棠巢句或云長水之旁亦有菱泮

竹垞小志 卷三 八 七錄書閣
喬崇烈題小長蘆圖詩遊子新從閩嶠還一竿
隨侍水雲間我來三日畫中住楓葉半村菱一

灣

杏花春雨山房 在潛采堂東取虞學士報道先生
歸也杏花春雨江南詞意

沈岸登題竹垞卷子次百字令原韻主人歸也
儘客來看竹短篷長泊雪色書齋堪吐壁老去
閒情慵託塞柳騎驢江蘆聽雁轉覺垞中樂青
錢憑買移些村叟鄉落 竹外三兩枝頭桃花
也放更好時吟酌春雨江南容易見消領年年
簾幙二畝新秧六峯晚翠便是真邱壑小樓添

否斜陽先在籬角

先生明堂月令序漢高誘注禮隋唐宋經籍藝文志皆不著錄近代藏書家編目亦無有唯藝文類聚曾引之月令四卷題曰明堂月令康熙乙亥二月忽獲之西吳書賈舟中乃舊鈔本讀之其字句與今本月令頗有不同特其書不知從何授受衛正叔禮記集說引高閎之言曰月令一書馬融賈逵孔晁皆以爲作於周公鄭康成高誘孔穎達乃謂秦時呂不韋所作誘旣以月令屬不韋作宜暢其說於篇首而是編無之又何與是月小寒食竹

竹垞小志

卷三

九

七錄書閣

垞老人書於杏花春雨山房

南洄 在荷花池南菱池芋坡之旁

北洄 在荷花池北青槐泝之側

先生題王山人輦畫山水送別詩小長蘆是吾家宅朝泊南洄暮北洄畫裏分明釣朋在他時一舸望君來

茶煙閣 先生有茶烟閣體物集詞二卷

朱昆田題四時寫生折枝圖詩小白長紅風露零好呼花匠蒔閒庭何時一縷茶烟外拘取鮮枝插膽瓶

蟹舍 初讀先生權歌第一首起句用蟹舍漁村四字爲不過泛咏水鄉之景及見雜咏始知蟹舍亦二十景之一也按年譜康熙壬午先生年七十四歲作城南雜咏有放鶴洲蟹舍塔火灣凌汶諸題

先生題江村垂釣圖詩禁垣分宅共趨晨日向晴
牕話釣輪一曲湖田如可乞漁燈蟹舍總爲隣
張遠題小長蘆圖詩蓮炬花磚客漁莊蟹舍心
卷舒無不可一往自情深

竹垞小志

卷三

十一 七錄書閣

此際披圖心一洗解人却憶米南宮 自注米有寶軸時開心一洗句

朱昆田索禹尚基畫月波吹笛圖詩吳儂種水是生涯朝對荷花暮芡花蟹舍郎當漁屋小垂楊影裏占鷗沙

朱琪鴛鴦湖權歌鴛鴦湖水接南湖百頃平波
鏡面鋪蟹舍漁村都占取詩人應號小長蘆
木筆龕 卽辛夷花紫色二月方開龕向在醜舫後
今已無存

橙子岡 先生曾欲構茶烟閣於其上今醜舫西魁

阜尚存

先生暴書亭偶然作移橙種橘計蹉跎一箇茅亭
草蔓多輸與城隅譚給事花時處處有行窩

薛廷文梅里雜興詩六峯高閣未躋攀橙子岡
邊落帽還畢竟登高何處好西風黃葉滿及山
菊塍 在荷花池南枳籬環之

先生潘檢討耒以方竹杖見贈賦謝詩天台方竹
杖絕勝萬年藤九節仙人斲兼程衲子能免尋籃
輦坐且喜石橋登準擬池南畔晨朝相菊塍

又買菊詩小院迴廊足散愁雨餘高館落梧楸衰
竹垞小志 卷三 十一 七錄書閣

翁不戀閒釵釧畱取秋容菊部頭

又東籬詩爲趙价人賦門前霜菊正離披有客閒
來索我詩不道冷官能好事人間又見馬東籬